



UNIVERSITETI I EVROPËS JUGLINDORE
УНИВЕРЗИТЕТ НА ЈУГОИСТОЧНА ЕВРОПА
SOUTH EAST EUROPEAN UNIVERSITY

Study program **E Drejta Civile (2022/2023)**

Fakulteti	Drejtësia
Cikli i studimeve	Cikli i dytë (Pasdiplomike)
SETK	60
Kodi	N-MLAWCIV60C
Titulli	Magjistër i shkencave juridike / Drejtimi: E drejta civile
Numri në arkiv i akreditimit [60]	03-1626/1
Vendimi për fillim me punë	
Data akreditimit	27.05.2022

Përshkrimi i programit

Programi studimor *E Drejta Civile* synon të ofrojë një gamë të moduleve që do të përbëjnë bazën e informacioneve dhe të dijeve të avancuara mbi lëndët juridike civile me qëllim të aftësisë profesionale të studentëve për profesionet themelore juridike që lidhen me këtë lëmë, duke ofruar njohuri solide, të veçanta dhe sistematike mbi institutet dhe konceptet e të drejtës civile në RMV dhe njohuri krahasuese nga rajoni dhe BE-ja.

Karriera

Diploma e Fakultetit Juridik njihet nga Oda e Avokatëve dhe e Noterëve në RMV. Titujt profesionalë të avokatëve dhe noterëve kërkojnë regjistrim formal në këto oda. Diploma e Fakultetit Juridik u mundëson studentëve një qasje relevante në organet shtetërore, sidomos në organet gjyqësore dhe të drejtësisë si: gjykatat dhe prokuroritë publike. Fakulteti Juridik ka nënshkruar marrëveshje bashkëpunimi me Akademinë për Trajnimin e Gjykatësve dhe të Prokurorëve Publikë në RMV. Studentëve, që do të kenë ambicie të merren me punë hulumtuese shkencore, Fakulteti Juridik i UEJL-së, u mundëson vazhdimin e studimeve të ciklit të tretë (studime të doktoratës).

Rezultatet e të mësuarit

Njohuritë dhe të kuptuarit

- Ka dituri të hollësishme nga e drejta civile, si ajo materiale, ashtu edhe nga ajo procedurale, si dhe nga normat themelore në lëmenjtë kryesorë të së drejtës civile;
- Ka njohuri të hollësishme të parimeve dhe instituteve të së drejtës civile, përfshirë edhe origjinën dhe përmbajtjen e tyre;
- Vlerëson lëmin e së drejtës civile në mënyrë kritike, nga këndvështrimi shkencor dhe praktik;

Aplikimi i njohurive dhe të kuptuarit

- I zhvillon dhe avancojnë shkathësitë e hulumtimit analitik dhe të zgjidhjes së problemeve në teori dhe praktikë

- nëpërmjet përdorimit të akteve legjislative dhe praktikës gjyqësore;
- I identifikon dhe analizon probleme më të komplikuar, duke marrë pjesë aktive në të gjitha fazat e procedurës civile dhe mund të interpretojë çështje të ndërlikuara të legjislacionit civil (përfshirë punën si gjykatës, avokat, noter), pasi të ketë fituar kualifikimet e duhura sipas legjislacionit të RMV-së;

Aftësitë për të vlerësuar

- Ka mendim më të zhvilluar kritik përmes metodës së analizës dhe të krahasimit;
- Zhvillon shkathtësi për zgjidhjen e problemeve përmes praktikës së zgjidhjes së rasteve më komplekse nga jurisdiksioni dhe praktika gjyqësore vendore dhe ndërkombëtare;

Aftësitë e komunikimit

- Përdor terminologji adekuate për çështje komplekse dhe specifike në sferën e shkencave juridike-civile;
- Sjell vendime më të avancuara dhe punon në mënyrë të drejtpërdrejtë dhe efektive në të gjitha fazat e procedurës gjyqësore civile;
- Angazhohet aktivisht në argumentimin dhe debatin shkencor;
- I përdorë gjuhët zyrtare të universitetit dhe ka shkathtësi të avancuara të teknologjive të informimit në punën shkencore;

Aftësitë e të mësuarit

- Zhvillon rregullore për punë kërkimore që përdoret në profesionin e tij;
- Zhvillon një praktikë të mësimit të vazhdueshëm, duke u angazhuar në trajnimin e personave që punojnë në institucionet shtetërore për parandalimin e kriminalitetit;

Lista e lëndëve

Semestri 1

- [CM168] [6.0 SETK] **E drejta civile dhe e drejta sendore (programi i zbatuar)**
- [CM162] [6.0 SETK] **E drejta familjare (program i zbatuar)**
- [CM161] [6.0 SETK] **E drejta tregtare (program i zbatuar)**
- [CM160] [6.0 SETK] **E drejta e detyrimeve (programi i zbatuar)**
- [6.0 SETK] **Lëndë zgjedhore**

Semestri 2

- [CM211] [6.0 SETK] **Shkrimi i punimit të magjistraturës**
- [CM170] [6.0 SETK] **E drejta e procedurës civile (programi i zbatuar)**
- [CM190] [18.0 SETK] **Punimi i magjistraturës**

Description of courses

Lëndë obligative

- **E drejta civile dhe e drejta sendore (programi i zbatuar)**
Qëllimi i studimit të lëndës E Drejta Civile dhe E Drejta Sendore (Program i Zbatuar), është: • Të pajisë studentët me njohuri relevante mbi të drejtën civile dhe sendore, si degë pozitive të së drejtës dhe si shkencë, duke përfshirë këtu edhe përkufizimin aktual teorik të tyre. • Të pajisë studentët me njohuri teorike mbi nocionet dhe institutet kryesore të së drejtës civile dhe sendore, si: parimet e së drejtës civile, zotësinë juridike, zotësinë e veprimit dhe zotësinë deliktore të personave fizikë dhe juridikë, punët juridike, të drejtën e pronësisë, të drejtën e pengut, të drejtën e servitutit, barrën sendore, të drejtën e qirasë afatgjatë mbi tokë ndërtimore, etj. • Studentët të njihen me korpusin e çështjeve dhe problemeve që lidhen me konceptin e së drejtës civile dhe sendore, si edhe me rrugën e zhvillimit historik të institucioneve të së drejtës civile dhe sendore, si p.sh. e drejta subjektive civile, punët juridike, pasuria, pronësia, pengu, servituti, barrët sendore, e drejta e ndërtimit. • Të aftësojë studentët për të njohur dhe analizuar institutet kryesore të së drejtës civile dhe sendore në kontekst të referencave legjislative dhe teorike në komparacion me referencat legjislative dhe teorike evropiane dhe më gjërë. • Të nxisë mendimin analitik dhe kritik te studentët lidhur me problemet me të cilët ballafaqohet sot E drejta civile dhe sendore e RMV-së. • Të aftësojë studentët për të

bërë dallimet e duhura teorike dhe praktike të nocioneve dhe dukurive me karakter juridiko-civil, përkatësisht juridiko-sendor në sistemin juridik të RMV-së, të veçojnë karakteristikat themelore dhe esenciale të tyre, si edhe të vërejnë rëndësinë dhe funksionimin e tyre në praktikë.

- **E drejta familjare (program i zbatuar)**

Në këtë lëndë, studentët, do të fitojnë njohuri për format bashkëkohore të marrëdhënieve familjare, rregullimin nacional dhe ndërkombëtar të këtyre marrëdhënieve, mekanizmat e reja për zgjidhjen alternative të kontesteve juridike-familjare-mediacioni familjarë, si dhe institutet e reja nga e drejta familjare (teknologjitë e reja të reprodukimit artificial: inseminimi artificial, in vitro fekondimi, amësia surrogate, “Three-parent baby” technique, ko-prindëria, lindja e fëmijës nga një grua me material gjenetik të donuar, reproduktimi post-human); instituti i prindërisë së përbashkët pas shkorporizimit; kontrata martesore; statusi juridik i banesës familjare (martesore). Studentët, në këtë lëndë, do të mësojnë edhe për reformat në legjislacionin familjarë të Republikës së Maqedonisë së Veriut.

- **E drejta tregtare (program i zbatuar)**

Qëllimet e lëndës: Të aftësojë studentët të njihen me rregullat ligjore për kryerjen e një veprimtarie. Mënyra e organizimit të subjekteve afariste, kushtet për themelimin dhe regjistrimin e subjekteve afariste dhe pronarit të vetëm, si dhe mënyrat e përfundimit të subjekteve afariste; mënyrat e krijimit të një marrëdhënie juridike biznesi, kushtet për shfaqjen e atyre marrëdhënieve, efektet dhe pasojat; që kanë të bëjnë me letrat me vlerë: hake për mbrojtjen e të drejtave të pronësisë industriale dhe mënyra për të mbrojtur subjektet e biznesit nga konkurrenca e padrejtë: mënyra për të mbrojtur konsumatorët, etj.

- **E drejta e detyrimeve (programi i zbatuar)**

T’u sigurojë studentëve njohuritë bazë të ligjit të detyrimeve, të nevojshme për lidhjen e një marrëdhënie juridike të detyrimit; t’u ofrojë studentëve njohuri themelore se si të lidhin kontrata dhe të zbatojnë institutet juridike. Duke mësuar këtë lëndë, studentëve u mundësohet të jenë në gjendje të lidhin marrëveshje të caktuara si burime në ligjin e detyrimeve, janë në gjendje të dallojnë se çfarë lloj përgjegjësie është, kush duhet të jetë përgjegjës dhe në çfarë kushtesh.

- **Shkrimi i punimit të magjistraturës**

Qëllimi i lëndës: - Aftësim për hulumtim të së vërtetës objektive me anë të përdorimit të metodave, teknikave dhe instrumenteve hulumtuese; - Aftësim për ndjekje dhe interpretim kritik të rezultateve të hulumtimit dhe përdorimit të tyre në situata specifike; - Përdorim i metodave themelore të hulumtimit, procedurave për mbledhje të të dhënave dhe përpunimi statistikor i tyre; - Aftësim për përdorim të rregullave themelore metodologjike gjatë shkruarjes së punimeve shkencore dhe profesionale.

- **E drejta e procedurës civile (programi i zbatuar)**

Qëllimi i lëndës: - T’i pajisë studentët me njohuri të thelluara mbi të drejtën përmbareuese dhe të drejtën jokontestimore, si dhe të zhvillojë shkathtësi specifike për zbatimin e tyre në praktikë. - T’i pajisë studentët me njohuri teorike mbi nocionet dhe institutet kryesore të së drejtës përmbareuese dhe të drejtës jokontestimore, si: nocionin e procedurës gjyqësore në përgjithësi, llojet e procedurave gjyqësore dhe raportet ndërmjet tyre, parimet e së drejtës përmbareuese dhe së drejtës jokontestimore, subjektet e procedurës përmbareuese dhe procedurës jokontestimore, veprimet procedurale dhe afatet për kryerjen e tyre, vendimet në procedurë përmbareuese dhe në procedurë jokontestimore, mjetet e goditjes së vendimeve, etj. - T’i njoftojë studentët me korpusin e çështjeve dhe problemeve që lidhen me konceptin e së drejtës përmbareuese dhe jokontestimore, si edhe me rrugën e zhvillimit historik të institucioneve të tyre. - T’i aftësojë studentët për të njohur dhe analizuar institutet kryesore të së drejtës përmbareuese dhe jokontestimore në kontekst të referencave legjislative dhe teorike në komparacion me referencat legjislative dhe teorike evropiane dhe më gjërë; - Ta nxisë mendimin analitik dhe kritik te studentët lidhur me problemet me të cilët ballafaqohet sot E Drejta Përmbareuese dhe E Drejta Jokontestimore në Republikën e Maqedonisë së Veriut. - T’i aftësojë studentët për të bërë dallimet teorike dhe praktike të nocioneve dhe dukurive nga E Drejta Përmbareuese dhe E Drejta Jokontestimore në sistemin juridik të Republikës së Maqedonisë së Veriut. - Të veçojnë karakteristikat themelore dhe esenciale të tyre, si edhe të vërejnë rëndësinë dhe funksionimin e tyre në praktikë;

- **Punimi i magjistraturës**

Kjo lëndë u mundëson studentëve t’i bartin shkathësitë dhe dituritë e tyre për hulumtimin dhe hartimin e e detyrës më të komplikuar - shkrimin të punimit të magjistraturës. Lënda është paraparë që tërësisht të jetë praktike dhe studentët t’i fitojnë dituritë dhe aftësitë, shkathtësitë dhe besimin e nevojshëm që t’i qasen hulumtimit dhe shkrimin të tezës. Lënda ka vetëm një rezultat kthyes – t’u mundësojë studentëve ta shkruajnë tezën e magjistraturës me vështirësi minimale dhe me efektivitet maksimal. Gjithçka që është paraparë që të bëhet ka për qëllim përmirësimin e teknikave të hulumtimit dhe të stilit të shkrimin të tezës së magjistraturës duke pasur kujdes me këtë rast për ndalimin e

shërbimit me mjetet e palejueshme siç janë: plagjiatura dhe shkelja e të drejtave të autorit, që ndalohen me Statutin e UEJL-së.

Lëndë zgjedhore

• E drejta e punës (program i zbatuar)

Qëllimi i lëndës: Të pajisë studentët me njohuri relevante mbi të drejtën e punës dhe sigurimit social si degë pozitive e së drejtës dhe si shkencë; Të pajisë studentët me njohuri teorike mbi nocionet dhe institutet kryesore të së drejtës së punës dhe sigurimit social; Të njihen me korpusin e çështjeve dhe problemeve që studion dhe rregullon e drejta e punës dhe sigurimit social, me rrugën e zhvillimit historik të institucioneve të së drejtës së punës dhe sigurimit social; Të nxisë mendimin analitik dhe kritik të studentët lidhur me problemet me të cilët ballafaqohet sot e drejta e punës dhe sigurimit social në RMV dhe më gjerë.

• Teknologjitë e reprodukimit artificial dhe e drejta prindore

Qëllimi i kësaj lënde është t'iu ofrojë studentëve njohuri të avancuara mbi ndikimin e përparimeve në gjenetikë dhe teknologjitë e reprodukimit artificial në të drejtën familjare dhe të drejtën prindërore, të drejtat e njeriut dhe të drejtat e fëmijëve, përfshirë efektet e dokumenteve ndërkombëtare në legjisllacionin kombëtar. Studentët, gjithashtu, do të fitojnë njohuri për diskutimet teorike, etike dhe ligjore mbi çështjet e bioteknologjisë, biomedicinës dhe ndikimin e tyre në krijimin e raporteve prindërore, si dhe balancën midis respektimit të të drejtave të njeriut dhe lirive themelore si dhe nevojës për të siguruar lirinë e kërkimit siç është p.sh E drejta e fëmijët për të njohur prejardhjen gjenetike. Me studimin e kësaj lënde, studentët, do të fitojnë njohuri edhe rreth të gjitha metodave të teknologjive të reja për reprodukimin artificial, të cilët janë pjesë e politikës bashkëkohore të natalitetit, duke përfshirë: insimin artificial; in vitro fertilizimi; amësia surrogate; lindja e fëmijës nga një grua me material gjenetik të donuar; reprodukimi post human; ko-prindëria (bashkëprindëria); ngjizja e fëmijës nga tre persona; krioprezervimi i gameteve ose embrioneve.

• E drejta prindërore e krahasuar

Në këtë lëndë, studentët, do të fitojnë njohuri për institutin më të rëndësishëm të të drejtës familjare- të drejtën prindërore në të drejtën familjare të RMV-së dhe të drejtën komparative. Studentët, në këtë lëndë, përveç të drejtës prindërore tradicionale do të fokusohen edhe në institutet më të reja nga e drejta prindërore, edhe atë: përgjegjësia e përbashkët prindërore pas shkurorëzimit të martesës; e drejta e fëmijës që të shpreh mendimin e tij në çështjet prindërore; respektimi i interesit më të lartë të fëmijës në të drejtën prindërore; e drejta e fëmijës për njohjen e prejardhjes së tij gjenetike; nevojat për ndryshimin e termit “e drejtë prindërore” në “përgjegjësi prindërore”. Studentët, gjithashtu, do të mësojnë për mënyrat bashkëkohore të themelimit të prindërisë përmes teknologjive të reja të reprodukimit artificial (Inseminimi artificial, in vitro fekondimi, amësia surrogate, “Three-parent baby” technique, ko-prindëria, lindja e fëmijës nga një grua me material gjenetik të donuar, reprodukimi post-human). Studentët, në këtë lëndë, gjithashtu, do të mësojnë edhe për reformat në legjisllacionin familjarë të RMV-së në pjesën e të drejtës prindërore.

• Marrëdhëniet juridike-pronësore bashkëkohore të bashkëshortëve

Me studimin e lëndës Marrëdhëniet Juridike-Pronësore Bashkëkohore të Bashkëshortëve, nga studentët pritet që të fitojnë njohuri për rregullimin ligjor të marrëdhënieve pronësore të bashkëshortëve në Republikën e Maqedonisë së Veriut, si dhe në të drejtën komparative. Studentët, do të fitojnë njohuri për regjimin e pronësisë së përbashkët, karakteristike për vendet e ish-Jugosllavisë; do të njihen me regjimin e pronës së përbashkët në vendet skandinave dhe në Gjermani, si dhe me regjimin e pronës së veçantë që është karakteristikë e Britanisë së Madhe. Gjithashtu, vëmendje do t'i kushtohet zhvillimit historik të pronës dhe marrëdhënieve juridike në Republikën e Maqedonisë së Veriut. Në legjisllacionin bashkëkohor, kontrata martesore (paramartesore), gjithashtu ka fituar shumë rëndësi, me anë të cilës vetë bashkëshortët rregullojnë marrëdhëniet e ndërsjella të pronësisë. Studentët, do të fitojnë njohuri më të thella për kontratën martesore dhe paramartesore.

• E drejta e pronësisë intelektuale

Lënda ka për qëllim: - T'i njohë studentët me të drejtat e autorit dhe të drejtat e përafërta me të drejtat e autorit, natyrën juridike dhe kohëzgjatjen e tyre. - T'i pajisë studentët me njohuri nga e drejta e pronësisë industriale si bazë për mësimin e rregullave juridike për mbrojtjen juridike të shpikjeve, markave tregtare, dizajnit industrial, shenjave gjeografike dhe formave të tjera të pronësisë industriale. - T'i pajisë studentët me njohuritë e përgjithshme për mënyrën e regjistrimit të të drejtave të pronësisë industriale, përfshirë këtu edhe plotësimin e kushteve të përgjithshme për mbrojtjen dhe regjistrimin e tyre. - T'i informojë studentët në mënyrë profesionale për mënyrën e themelimit të licencës, kushtet e qarkullimit të këtyre të drejtave, efektet, pasojat, e kështu me radhë. - T'i aftësojë studentët për punë në lidhje me qarkullimin e të drejtave të pronësisë industriale. - T'i njohë studentët me legjisllacionin që mbron të drejtat e pronësisë intelektuale si në aspektin nacional, ashtu dhe në atë ndërkombëtar. -

T'i njohë studentët me mënyrat e mbrojtjes juridike të të drejtave të pronësisë intelektuale dhe më konkretisht me mbrojtjen juridiko-penale, juridiko-civile dhe juridiko-administrative.

- **E drejta e sigurimit**

Studentët, do të fitojnë njohuri të avancuara mbi të drejtën e sigurimit dhe legjislacionin pozitiv që lidhet me këtë sferë. Kjo lëndë do t'u mundësojë studentëve të analizojnë sigurimet sipas të drejtës pozitive të RMV-së dhe shteteve anëtare të Bashkimit Evropian. Duke e analizuar legjislacionin e sigurimeve (Ligji për marrëdhëniet detyimore) dhe lex specialis, ligjet në lidhje me këtë sferë, studentët do të jenë në gjendje të përcaktojnë rëndësinë dhe objektin e rregullimit të së drejtës së sigurimit. Qëllimi tjetër i lëndës është që studentët të pajisen me njohuri të nevojshme për sigurimin, i cili sot konsiderohet si parakusht themelor për sigurinë ekonomike dhe sociale, si për personat juridikë, ashtu edhe për personat fizikë, për zhvillimin e veprimtarisë së investimeve. Njohuritë e tyre do të ju shërbejnë për të punuar në mënyrë kompetente në sferën e sigurimeve.

- **E drejta e falimentimit**

Kjo lëndë synon t'i pajisë studentët në mënyrë të pavarur t'i identifikojnë dhe analizojnë në mënyrë kritike institucionet themelore të falimentimit dhe procedurës së falimentimit, të zhvillojnë aftësitë për të aplikuar njohuritë e fituara në praktikë në lidhje me falimentimin dhe procedurën e falimentimit;

- **Përgjegjësia juridiko - civile për dëmin e shkaktuar**

Qëllimi i lëndës: -T'i nxisë studentët që në mënyrë kritike ta analizojnë aplikimin e rregullave për kompensimin e dëmit; -Të zhvillojë tek studentët qasje praktike në gjetjen e zgjidhjeve për rregullimin e rasteve praktike nga marrëdhëniet detyimore që krijohen me shkaktimin e dëmit; -Të kontribuojë që studentët ta kuptojnë ndikimin e zhvillimit të ekonomisë në zhvillimin e të drejtës për kompensimin e dëmit; -Të demonstrojnë shkathtësi për zgjidhjen e rasteve konkrete të shkaktimit të dëmit dhe kompenzimit të tij.

- **E drejta kontraktore**

Qëllimi i lëndës: T'u sigurojë studentëve njohuritë bazë të drejtes se kontratave, të nevojshme për lidhjen e një marrëdhënie juridike të detyrimit; t'u ofrojë studentëve njohuri themelore se si të lidhin kontrata dhe të zbatojnë institutet juridike. Duke mësuar këtë lëndë, studentëve u mundësohet të jenë në gjendje të lidhin marrëveshje të caktuara si burime në ligjin e detyrimeve, janë në gjendje të dallojnë se çfarë lloj përgjegjësie është, kush duhet të jetë përgjegjës dhe në çfarë kushtesh.

- **Zgjidhja alternative e konflikteve**

Lënda u mundëson studentëve të njihen me aspektet pozitive të mënyrave alternative të zgjidhjes së mosmarrëveshjeve (ndërmjetësimin, pajtimin, arbitrazhin, arbitrazh-ndërmjetësimin, mini-gjykimin, vlerësimin neutral të hershëm), përparësitë ndaj procedurave gjyqësore, efektet e tyre, dilemat etike në ndërmjetësim, etj.

- **E drejta e krahasuar civile**

Qëllimi i lëndës: •T'i pajisë studentët me njohuri themelore nga aspektet më të rëndësishme të së drejtës së krahasuar; •T'u paraqesë studentëve metodologjinë krahasuese në studimin e së drejtës civile; •T'ju ofrojë studentëve njohje më të mirë të së drejtës nacionale përmes studimit të të drejtave të huaja; •Të zhvillojë shkathtësi kritike të analizimit dhe interpretimit të normave të ndryshme të të drejtës civile nga sistemet me të rëndësishme juridike nëpërmjet metodologjisë krahasuese.

- **E drejta e tokës**

E drejta e tokës është e drejta që ka të bëjë me të drejtën e pronësisë dhe të drejtat e tjera sendore mbi tokën ose mbi pasuritë e paluajtshme në përgjithësi, si dhe me regjimin ligjor të llojeve të ndryshme të tokave. Në kuptimin më të gjerë të fjalës, në bazë të parimit superficies solo cedit, fjala 'tokë' nuk i referohet vetëm tokave, por dhe ndërtesave dhe të mbjellave në atë tokë. - Lënda ka për qëllim t'u sigurojë studentëve njohuri relevante mbi të drejtën e tokës dhe rregullimin e kësaj sfere. - Studentët, do të njihen me klasifikimet e ndryshme të tokave, siç janë toka ndërtimore, toka bujqësore, pyjet, kullotat, varreza, si dhe rregullimin e tyre ligjor. - Studentët, do të njihen me rregullimin ligjor të llojeve të tjera të pasurive të paluajtshme, siç janë ndërtesat dhe do të fitojnë njohuri për llojet e ndryshme të ndërtesave: objektet për banim apo ndërtesat banesore, objektet për qëllime komerciale apo ndërtesat tregtare etj. - Studentët, do të njihen me procesin e planifikimit dhe zhvillimit të territorit, procesin e regjistrimit të të drejtave mbi pasuritë e paluajtshme, procesin e nacionalizimit dhe denacionalizimit të pronës dhe procesin e legalizimit. - Studentët, do të aftësohen t'i dallojnë llojet e ndryshme të pasurive të paluajtshme dhe regjimin ligjor që zbatohet për secilin lloj dhe do të njihen me procedurat administrative që lidhen me administrimin e tyre.

- **Regjistrimi i të drejtave të pasurive të paluajtshme**

Kjo lëndë është një segment i të drejtës sendore, përmes së cilës studentët do të njihen me sistemin e regjistrimit të

të drejtave mbi pasuritë e paluajtshme në RMV, me parimet themelore të regjistrimit të pasurive të paluajtshme, si dhe me mënyrën e regjistrimit të të drejtave. - Studentët, do të njihen me Sistemin Informativ Kadastral Gjeodezik (SIKGJ), i cili mundëson grumbullimin, përpunimin, mirëmbajtjen, menaxhimin, shfrytëzimin, shpërndarjen, lëshimin dhe qasjen unike në të dhënat e kadastrës së pasurive të paluajtshme, si dhe me llojet e të dhënave që përmban SIKGJ. - Studentët, do të njihen me punën e Agjencisë për Kadastër të Pasurive të Paluajtshme, me statusin dhe kompetencat e Agjencisë, me organet e Agjencisë për Kadastër dhe me strukturën e organeve të shërbimit profesional në Agjenci. - Studentët, do të fitojnë njohuri mbi mënyrat e mënyrat e krijimit të kadastrës së pasurive të paluajtshme, d.m.th. ata do të njihen me: regjistrimin sistematik të të drejtave të pasurive të paluajtshme, regjistrimin individual të të drejtave të pasurive të paluajtshme, regjistrimin e të drejtave të paregjistruara mbi pasuritë e paluajtshme pas krijimit të kadastrës së pasurive të paluajtshme, si dhe shndërrimin e të dhënave nga kadastra e tokës në kadastër të pasurive të paluajtshme. - Studentët, do të njihen me të drejtat, mënyrat e regjistrimit të të drejtave, llojet e regjistrimit, bazat për regjistrimin e të drejtave të pasurive të paluajtshme në kadastrën e pasurive të paluajtshme, të dhënat që lëshon kadastra, si dhe me mënyrën e mirëmbajtjes së kadastrës së pasurive të paluajtshme. - Përmes kësaj lënde studentët do të zotërojnë teknikën e zbatimit të duhur të rregullave ligjore në fushën e regjistrimit të të drejtave të pasurive të paluajtshme. - Studentët, do të fitojnë njohuri multidisiplinare, jo vetëm në fushën e së drejtës, por edhe në fushën e punëve gjeodezike, të cilat do t'u mundësojnë atyre të zgjidhin në mënyrë rrënjësore çështjet nga fusha e regjistrimit të të drejtave të pasurive të paluajtshme. - Do të inkurajohet mendimi analitik dhe kritik i studentëve në lidhje me problemet dhe sfidat me të cilat përballet sot sistemi i regjistrimit të pasurive të paluajtshme në RMV.

- **Barazia gjinore dhe mosdiskriminimi**

Lënda Barazia Gjinore dhe Mosdiskriminimi ka për qëllim që tek juristët e ardhshëm të paraqes një pamje sa më afër të vërtetës së barazisë gjinore dhe mosdiskriminimit, në mënyrë që ata të formojnë një kuptim të drejtë lidhur me këto çështje, të çrrënjësinë paragjykimet dhe stereotipat, gjë që do të ndikojë më tej për të përmirësuar punën e tyre, qoftë përmes hartimit të ligjeve dhe ngritjes së institucioneve dhe sistemeve më të drejta, ashtu dhe në zbatimin e drejtë e të paanshëm të ligjit. - Në radhë të parë, lënda ka për qëllim të shpjegojë konceptin e diskriminimit gjinor, stereotipave dhe paragjykimeve gjinore, të barazisë, integritetit dhe drejtësisë gjinore. - Një tjetër qëllim është ndërgjegjësimi i studentëve për rëndësinë e barazisë gjinore, si respektimi i të drejtave njerëzore të grave dhe burrave dhe pasojat e mungesës së barazisë gjinore. - Lënda synon, gjithashtu, të analizojë lidhjet e problemit të barazisë gjinore me fushën juridike, të ofrojë modele legjislativë të përparuar në fushën e barazisë gjinore dhe të ndihmojnë studentët të kuptojnë dhe analizojnë legjislativon ekzistues të barazisë gjinore, dhunës në familje dhe mosdiskriminimit në RMV. - Studentët, do të njihen dhe me normat e të drejtës ndërkombëtare në fushën e barazisë gjinore dhe mënyrat e mbrojtjes ligjore nga diskriminimi.

- **E drejta noteriale**

Me anë studimit të kësaj lënde pritet që studentët të fitojnë njohuri më të thella për këtë pjesë të së drejtës, si dhe të fitojnë aftësi specifike për zbatimin e saj në praktikë. Detyrat e veçanta nga kjo lëndë janë: t'u mundësojë studentëve t'i identifikojnë në mënyrë të pavarur dhe në mënyrë kritike nocionet themelore dhe institutet e së drejtës noteriale, të zhvillojë aftësi për aplikimin e njohurive të fituara në praktikë në lidhje me kryerjen e punëve të caktuara noteriale.

- **Klinikë ligjore - e drejta civile**

Pas përfundimit të kësaj lënde, studentët do të jenë në gjendje: - Të zbatojnë në mënyrë aktive parimet teorike juridike në probleme konkrete dhe të përditshme juridike; - Të demonstrojnë aftësi praktike juridike në trajtimin e klientëve në praktikën juridike, - Të përgatisin akt juridik të strukturuar ose analizë juridike për nevojat e klientëve; - Të punojnë në mënyrë efektive në një mjedis profesional, në mënyrë individuale dhe kolektive.

- **Kolizioni i ligjeve**

Në këtë lëndë do të mësohen institutet e përgjithshme, nocioni dhe marrëdhëniet në fushën e konfliktit të ligjeve.